




Centimetres

**TIPPEN** Color Control Patches

© The Tippen Company, 2007



嘯亭雜錄卷二

目錄

崇政殿

十王亭

三王旗蘇

國初定三院

盛京五部

理藩院

木蘭行圍制度



哨鹿

三詔

漢軍初制

軍機大臣

摺子

宗學

八旗官學

王府屬下

國初官制

議政大臣

天津水師

雲梯

王公降襲次第

定恩騎尉

綠營增世襲

綠營虛銜

綠營功加

三品任軍機大臣

本朝內官之制

宗室小考

宗室婚嫁

賜奠

配享

郊勞

三分書

淳化帖

活佛制筆籤

世祿品級祿米

漢軍用滿缺

鑾儀衛

軍機御史

宗室科日

宗室任職官

王府官員制度

關稅

國初尙右

啟心郎

八旗之制

駐防

內務府定制

堂子

綠頭牌

膳牌

領侍衛內大臣

將軍

侍衛教場

漢軍各營旗纛號衣

滿洲跳神儀

滿洲嫁娶禮儀

內院筆帖式

前朝宮女四萬

嘯亭雜錄卷二

崇政殿

汲修主人著



高廟初定遼瀋建立宮室卑淺其制有茅茨土階之意今陪京宮

殿

大清門內卽

崇政殿爲視政朝賀之所其後

鳳凰閣分限內外內爲

清甯宮供奉

神主卽爲燕寢之地其旁六宮分列制度皆極儉樸

十一王亭

文廟撫定遼瀋集思廣益造亭於宮右凡有軍國重事集衆宗藩議於亭中而量加採擇名十一王亭

三王隸旗

孔定南耿靖南尙平南等歸順時未隸旗籍

文廟名其軍爲天祐軍特設白綠黑諸旗纛以賜之見八旗通志

國初定三院

文廟踐祚之初改內閣爲三院曰弘文曰秘書曰內院皆置大學士學士等官蓋仿宋昭文集賢之制入關後仍沿其制至順治戊戌復從明制改設中和殿保和殿武英殿大學士乾隆十三年裁中和殿大學士增設體仁閣以配三殿三閣之名保和殿大學士不常置惟張文和傅文忠拜焉體仁閣大學士初以楊節相延琦楊節相應培先後大拜皆不終位故戴服堂藤陰雜記內謂其名不祥然劉文清今曹相國振鏞遞相任之卒無他咎可知在人不在名也

盛京五部

章廟初定北京

盛京設昂邦章京一員及駐防官員兵丁若干以為

陪京保障時未設文史至康熙初丁口漸盛其賦稅刑名等

事亦漸增因仿明南京之制設戶部侍郎一員次第立禮

兵刑工等部侍郎各一員

陪京之制始備其官由京銓選故不設吏部後王侍郎原祁

請增設漢員以備體制部議不果行

理藩院

理藩院古典屬國也

國初建置故上林舊址初置蒙古尚書一人侍郎二人秩視

六部漢院判一人秩三品蒙古郎中員外郎主事若干人

漢知事四人主事二人經歷二人朱竹垞集中有贈宋院

判作蓋漫堂尚書任是官也康熙中盡裁漢員惟滿員

獨存司蒙古內外部落諸務分司六曰旗籍前後司錄勳

賓客理刑後改旗籍後司曰柔遠賓客曰王會錄勳曰典

屬又特設徠遠司專理回部遂析為七旗籍專掌內四十

八部落疆域封譜族旗制諸典故各析部族畛域勿使

侵佔其台吉有分析者則加其賦人丁滋蕃滿百許改官

屬以督之其滋畜牛羊諸物視其土之寒暖可種植者許其自率蒙古人丁以耕容留漢人及以貨易土者戒之諸王公有襲封者先辨其嫡庶考其德行然後授以印綬其弱小者擇族人之忠正者護其印既冠而後納之三歲修其譜牒辨其貴賤勿許冒賤為貴以良為莠每旗設都統一人秩二品副軍二人秩三品命諸王公自選其宰之良者授之而部臣歲課其政令有不職者易之暴戾者罪之並飭其王公焉王會司掌朝貢會盟聘享武備諸政藩王充補近侍者歲一朝餘則三歲一朝各於歲終分班入

觀分其名位給以虞鯨凡朝郎官領入

大內按其爵秩列於宗室王公下朝見如儀元旦上元復如之歲朝

上宴諸藩於

紫光閣郎官領進自陽澤門入宴於階次奏樂拜謝如儀

賞賚有差貢則視其土之所宜黍禾皮帛以及牛羊諸物部臣受貢翌日寓其使於署中俸幣則視宗室王公之半有勳

業者加之各部落有荒饑者部長捐金以救乏則告於方伯請賑於朝使入許以驛傳視其途而賚之

國有大喪則集諸藩王奔訃入次舉哀如儀典屬司掌外汗四部落北入瀚海西絕羌戎青海西藏諸土屬焉各分視其畛域奠其土宇教以德化理其政績旗制會盟咸如內藩屯戍將帥士卒食其屯用乏則請餉濟之每歲閱武木司司員二人往視之其技長者資其部長兵仗弱者罰柔遠司掌外盟諸部朝

觀宴享聘納諸儀汗諸長四歲一朝薄海諸長三歲一朝都爾伯特西藏諸部長不限以年五歲請命於

朝許則

觀之貢期汗三歲一貢西藏間歲一貢各視其土之所宜汗貢馬駝羊羯諸物西藏青海貢藏香氍毹馬駝其享使頒

賞如內藩徠遠司掌回部疆土分封朝會聘享諸政嘉峪關外

回部有十曰吐魯番曰闐展曰英吉沙爾曰庫車曰巴顏岱曰巴里坤曰烏什曰阿克蘇曰葉爾羌曰和闐悉統屬之其舊疆建諸王三歲如蒙古諸藩餘則置伯克司之伯克者回中長吏也各視秩有差三年考其政績優者褒以幣帛劣者付屯戍大吏治之戶口丁數皆藏其籍三載更之回俗以十爲數計一帕得中土五石有奇錢曰普耳皆

委伯克司鑄田賦以種爲則官田什取其五次者什二民  
田什一有常賦焉關稅三十取一皮幣二十取一其畜產  
餘物各視其多寡以征之歲貢皮幣果蔬金刀毛毯納以  
歲終俸幣視秩授田以伙俸薪長吏三百畝中士百畝下  
士八十畝丁二十五畝有屯戍伯克均其糧以差之外藩  
如布魯特哈薩克安集延愛烏汗諸屬國皆置譯使以通  
其語朝聘宴享悉如朝鮮琉球儀制理刑司掌蒙古諸刑  
名自斬絞外罪止鞭扑不及流徒而以牛馬作贖罰數惟  
九牛三馬六遞以加之窮者貫之富者倍之

### 木蘭行圍制度

木蘭在承德府北四百里遼中京臨潢府興州舊地也素  
屬翁牛特康熙中藩王進獻以爲蒐獵之所其地毗連于  
里林木葱鬱水草茂盛故羣獸聚以孳畜

### 仁廟每歲舉行秋獮之典

歷朝因之行圍時蒙古喀爾沁等諸藩部落年例以一千二百五  
十人爲虞卒謂之圍牆以供合圍之役中設黃纛爲中軍  
左右兩翼以紅白二纛標識之兩翼末

國語謂之烏圖哩各立藍纛標識之皆聽中軍節制管圍大

臣皆以王公大臣領之而蒙古王公台吉等爲副兩烏圖哩則各以巴圖魯侍衛三人率領馳行行圍之制有二一以數百人分翼入山林圍而不合謂之阿達密合圍之制則於五城前管圍大臣率領蒙古管圍大臣及虞卒並八旗勁旅虎槍營士卒各部落射生手齊出營盤視其圍場山川大小遠近紆道繞出圍場之後或三十里五十里以及七八十里齊至

看城則謂之烏圖哩阿察密合圍後自烏圖哩處虞卒脫帽以鞭擊之高聲傳呼嗎爾噶口號按嗎爾噶者蒙古語帽

也聲傳遞至中軍凡三次中軍知圍已合乃擁蓋徐行左右指揮以俟

上入圍則辰末巳初時矣合圍數十里漸促漸近出林薄至岡阜離

駐蹕行營約略二三里許惟視高敞處設黃幙幄中設氍毹是之謂

看城比至

看城時虞卒皆馬並耳人並肩廣場不過三里許耳圍牆外自放圍處卽重設一層乃虎槍營士卒及諸部落射生手

專射自圍內逸出之獸而圍內例不准射也日出前

上自

御營乘騎先至看城稍俟兩翼烏圍哩藍纛到後乃自看城

出

御囊韃諸扈從大臣侍衛及親隨射生手虎槍手擁護由中道

直抵中軍在中軍前半里許周覽圍內形勢瞭如指掌而

行圍之疾徐進止

口敕指揮凡二三十里間射飛逐走左右是宜諸藩部落蒙古

仰瞻

聖武莫不歡躍或遇有虎則圍暫不行俟

上看羶虎畢然後聽

敕而行每圍場收至

看城

上即駐馬觀諸王射生手等馳逐餘獸而已或值場內獸集過

多奉

旨特開一面以逸之仍禁圍外諸人不准逐射獵罷

上迴蹕大營謂之散圍諸部落各按隊歸營日甫晡而一日行

圍之事

清宮雜錄

卷二 木蘭行圍制度

奏畢矣若哨鹿日制與常日不同

上於五更放圍之前出營侍衛及諸備差人等分爲三隊約出

營十餘里聽

旨停第三隊又四五里停第二隊又二三里將至哨鹿處停第

一隊而侍從及扈衛之臣共千餘騎而已漸聞清角聲揚

遠林呦呦低昂應和條聽槍聲一發成知

神威命中矣羣引領聽

旨調遣三隊以次至

上前其行圍所有奏章皆倏

上還營後披覽發出毫無遺滯或有時引諸文士賡唱終夕焉

哨鹿

高宗蒐獵木蘭時於黎明親御名駿

命侍衛等導入深山疊嶂中尋見鹿羣

命一侍衛舉假鹿頭作呦呦聲引牝鹿至急發箭殪斃取其血飲

之不惟延年益壯亦以習勞也

三詔

國初世爵與職任官員無異每逢

恩詔輒晉其秩有以子男至公侯者康熙中議准凡三詔所加

者皆遞減至本封故近日檔案有三詔遞減之語三詔者謂入關定都及

世祖親政詔也

漢軍初制

國初俘掠遼瀋之民悉爲滿臣奴隸

文廟憫之拔其少壯者爲兵設左右兩翼

命佟駙馬

養性馬都統

光遠統之其後歸者漸多人關後明降將

踵至遂設八旗一如滿洲之制康熙中三逆平其藩下諸部落亦分隸旗籍雍正中定上三旗每旗佐領四十下五

旗每旗佐領三十其不足者撥內務府包衣人隸焉

軍機大臣

國初設內三院外其軍國政事皆交議政諸王大臣半皆貴

胥世爵不諳世務

憲廟設立軍機大臣擇閣臣及六部卿貳熟諳政體者兼攝其事並揀部曹內閣侍讀中書舍人等爲僚屬名曰軍機章京其升擢仍視本秩然後機務慎密議政之弊始革其行走班次皆視其班秩故張文和在

內廷居傅文忠上近日董太傅諱亦居托相國諱上無論滿

漢也所掌銀印龜紐藏於

內府有應用印者皆立時請印出大臣監視用畢隨即繳還  
其下役皆選內務府童子司灑掃舊例至二十歲卽更出  
今因循日久有久隸其役而大臣喜其熟練者非立法本  
意也

### 摺子

自明太祖立通政司凡內外章奏皆於司掛號始入故權  
相多以私人主之上言者非獲則泄

憲廟命諸臣有緊密事改用摺奏專設奏事人員以通喉舌無不

### 立達

御前通政司惟掌文書而已

### 宗學

雍正中特設宗學左右翼各學

簡派王公專管歲時

欽派大臣考其殿最以爲王公獎罰左翼在金魚衛右翼在籬  
子衛衛皆設宗室總管副管各一人以司月餉公費等事  
三歲考績授七品筆帖式覺羅八旗各設學一其總管副  
管如宗學之制滿教習用候補筆帖式漢教習用舉人考

取皆月有帑精四時

特賜衣纁

八旗官學

雍正中設八旗官學二成安宮官學在西華門內擇八旗子弟聰慧者充補學弟子月有帑精不計歲月入仕後始除其籍

特派大臣綜其事教習皆用進士或參用舉人景山官學在景山內皆內務府子弟充補其制與成安宮同爲內務府總管所轄八旗官學每旗各設學一擇本旗滿洲蒙古漢軍之子弟充補以十年爲期已滿期未中式者卽除名另補爲國子監祭酒所司亦附於太學之意

王府屬下

國初定制

皇帝親將之旗有三曰鑲黃曰正黃曰正白諸王親將之旗有五曰正紅曰鑲白曰鑲紅曰正藍曰鑲藍共五旗戶籍皆爲王公僚屬沿左氏人有十等之制遞爲臣僕升擢皆由王公掌之昇平日久諸王習於驕汰多虐其所屬

世宗命王府護衛諸官由本王遷擢其餘悉隸有司歲時慶弔趨

明倫彙編 家範典 卷二  
仍如制今護軍營操習用各王府旗纛存舊制也

### 國初官制

國初官職悉沿明制其總攝國政者有五大臣十六臣之分其餘設總兵副將遊擊皆階以等級如一等總兵官二等遊擊之類

其後改爲國語無復漢名如固山額真之類入

關後始改總統旗務者爲都統每旗一員其參協者爲副都統每旗二員其下設參領佐領等官惟世職名仍沿國語如阿思哈呢哈番拜他拉布勒哈番之類乾隆初從舒

文襄議始設漢銜其一品者爲子二品者爲男三品者爲

輕車都尉四品者爲騎都尉五品者爲雲騎尉而官名乃

釐正焉

### 議政大臣

國初定制設議政王大臣數員皆以滿臣充之凡軍國重務不由閣臣稟發者皆交議政大臣每朝期坐中左門外會議如坐朝儀雍正中設立軍機處議政之權遂微然猶存其名以爲滿大臣兼銜乾隆壬子

純廟特旨裁之

天津水師

肅亭雜錄

卷二 議政大臣

天津水師

十三

憲廟念津門附近京畿海防綦重設滿洲水師都統一員副都統

二員協領下若干員兵三千守禦海口然滿兵不利水師

初設章程草創訓練技藝不及綠營之半乾隆丁亥

純廟巡幸津淀是日大風勢難操演時都統爲奉義侯英俊年已

衰老所傳號令俱誤技藝既疎隊伍復亂喧譁不絕

上怒立加裁汰英俊等降革有差

雲梯

文廟攻取明城多以雲梯制勝乾隆戊辰金川之役敵多築堅礮

於絕壁懸崖上官軍屢攻弗克

純廟閱

實錄仿其式製雲梯

命八旗子弟演習隸健銳營再征金川時卒收雲梯之功丙辰湖

北奸民竊發畢秋帆制府屢攻當陽不克

上乃命海內綠營皆習其技以昭

文廟威德焉

王公降襲次第

國初宗臣貴位統名貝勒崇德元年定親王郡王貝勒貝子

鎮國輔國二公皆冠寶石頂以補服翎眼爲差次統名曰

入八分王公蓋卽九錫意也其不入八分公以及鎮國輔國將軍皆冠珊瑚頂奉國將軍視武臣正三品奉恩將軍視武職正四品秩皆與流官同舊例親王嫡子封郡王郡王以下嫡子皆遞降一等受封親王衆子封輔國公親王庶子封輔國將軍郡王以下遞降同故安王諸子皆封僖勤諸郡王康熙中以俸糈繁衆改親王無論嫡子衆子皆封未入八分輔國公郡王以下遞爲減等而考以繙譯馬步射三者皆優然後授以本職否則遞相降等授爵其親郡王皆世襲罔替貝勒以下皆降襲至輔國公然後世襲

而輔國公又無復降襲之例其未入八分輔國公以下皆降至奉恩將軍世襲罔替無論軍功恩封皆一例故杜度彰泰諸貝勒有開創大功者亦皆一體降襲

純廟篤念宗親特分定軍功恩封之例其有勳勞者無論王貝勒

皆世襲罔替其恩封者親王遞降至鎮國公郡王遞降至輔國公貝勒遞降至不入八分鎮國公貝子遞降至不入八分輔國公鎮國公遞降至鎮國將軍輔國公遞降至輔國將軍皆世襲罔替

定恩騎尉

國初定世爵自公至雲騎尉凡二十四級為賞功之次然雲騎尉例襲三次陣亡後裔與戰績無區別

高宗軫念殉節之員特定恩騎尉之職凡陣亡人員封爵襲替者皆賞給恩騎尉世其家

綠營增世襲

國初入旗官員陣亡

賜雲騎尉世襲綠營則仍沿明制例與難磨非特旨者不予焉乾隆甲辰

上諭兵部云國家滿漢視為一體同為殉節之士豈可功賞之間

有所異也乃

命文臣自大學士及典史武臣自提督及把總皆以次

賞給世襲與滿臣同

綠營虛銜

國初沿明制綠營總兵官有勳勞者遞加都督僉事都督同知右都督左都督諸名目蓋即明五軍府官其最優始加將軍如趙良棟勇略將軍福育龍綏遠將軍楊捷昭武將軍是也乾隆十八年

純廟厭其名近偽皆裁革官提督為從一品不尚虛銜矣

綠營功加

八旗從軍有功者視功之優次與之功牌分三等級凱旋日兵部計敘功與之世職綠營則有功加之目臨陣奮勇者與之功如一次敘計功加二十四次始敘一雲騎尉較入旗功牌殊為屈抑是以世襲寥寥近年

純廟恩旨陣亡人員一體世職然功加尚未有及者

三品任軍機大臣

自雍正中設立軍機後皆尚書侍郎攝其職惟乾隆乙卯軍機大臣乏人時戴文端循亨吳制府熊光以久任軍機

章京熟習政事

純廟特擢為軍機大臣以資格淺

賜三品頂帶時人榮之

本朝內官之制

世祖鑒前明閹宦之弊立鐵牌於

交泰殿戒內官不許干預政事官不過四品皆隸內務府總

管歲時謁見如堂司制有周官冢宰統攝之義

純廟防馭尤嚴有高雲從者稍干涉外事

上遊

章廟旨立時磔死和相雖貪黷然制內官嚴軍機隨侍嘗有背呼  
 梁文定公名者和聞之奮然曰梁為朝廷輔臣汝輩安可  
 輕之立杖數十命與梁叩謝乃免近日內務府大臣多由  
 僚屬驟遷又無重臣兼領故敬事房總管輩多與大臣分  
 庭抗禮無復統轄之制至蘇大司空榜額曾對眾曰今日  
 尙未見吾都堂雖一時謔語亦可觀風氣矣

宗室小考

乾隆中

上召見宗室公甯盛額不能以

國語應對

上以清語為國家根本而宗室貴胄至有不解者風俗攸關因增

宗室十歲以上者小考之例於十月中

欽派

皇子王公軍機大臣等考試清語弓馬先

命皇子較射為諸宗室舊式諸宗室視其父之爵以次考試優者

帶領引

見

上每賜花翎緞匹獎勵之

宗室婚嫁

乾隆中

純廟篤念宗室貧乏失產無以自活

命宗人府堂官詳為撫恤分以第第最貧者賞銀三百兩次者半

之令回贖田產以資生理又念婚喪無所贍仰

特命王公行禮最尊者司宗室紅白事件遇有婚嫁者

賜銀一百二十兩死喪者

賜銀二百兩為收賻之費

賜奠

國家篤念舊臣凡陪葬

福陵

昭陵王公諸功臣

翠華臨幸必

賜奠以示寵異先列王入關後薨逝故未陪葬

昭陵乾隆戊戌春

純廟念王首創義舉功冠諸臣特行

賜奠禮於園寢哀慟久之

賜詩以旌其功曠典也

配享

國家有大勳勞者皆配享

太廟西廡功臣爲揚武勳王額宏毅公賈直義公圖昭勳公圖忠

義公馬文義公蒙古超勇親王鄂文端公張文和公傅文

忠公福文襄王兆文毅公十三人東廡

國初惟武功郡王等四人蓋以絕嗣故也雍正中增祀怡賢

親王乾隆戊戌

上特念開創諸王功業偉著

命增祀禮烈王睿忠王鄭獻王豫通王武肅王克勤毅王於東廡

亦曠典也

郊勞

國家厚待功臣以振士心將帥旋歸者

列聖皆行郊勞之禮康熙中允良親王平耿逆安和親王定兩湖

貝子彰泰平滇南凱旋時

上皆親幸蘆溝橋以勞之乾隆己巳傅相公恆平金川歸

純廟特命築壇於黃新莊旌其功後兆文毅惠富公德平回部歸

阿文成平定兩金川歸

上亦行是禮云

三分書

乾隆中

上既開四庫全書館分發京師諸處甲辰春

翠華南幸念江浙為藝林之藪

天府秘本多有難購者

命續錄三部分置揚州大觀堂文匯閣鎮江口金山寺文宗閣杭

州聖因寺文瀾閣俾士子得以就進觀摩謄錄實盛事也

淳化帖

法帖之久無如淳化閣帖其後鼎絳汝諸帖互相仿摹愈

失舊規近日祖帖收藏家無過問者惟

大內所藏係當日賜畢仕安者篇帙完善墨瀋如新成親王

曾見之

純廟珍惜如寶特建淳化軒以藏之

命于文襄敏中摹刻上石

頒賜諸王公卿雖不及原帖之善亦自成一家焉

活佛聖籤

西藏喇嘛自宗喀巴興揚黃教其徒達賴喇嘛班禪額爾

德呢率言永遠轉生以嗣其教行之日久徒眾稍有道行

者亦踵其轉生之說以致呼畢勒罕多如牛毛蒙古王公  
有利其寺之貴產者必請託達賴喇嘛指其子姪為的乳  
互相承授與中國世爵無異

純廟習知其弊因藉久難革命製金奔巴瓶設於吉祥天母前遇  
有呼圖克圖圓寂者卽揀其歲所產之聰慧者書名於籤  
令達賴喇嘛會同駐藏大臣封名掣之弊始絕時謂活佛  
掣籤云

世祿品級祿米

本朝初定公侯伯名位歷級有九子男以下以國語稱之乾

隆初

特允御史舒赫德請改子男等名號公位視三公冠珊瑚服斗牛

補襲次二十有四祿米六百石侯伯服與公同侯次二十  
伯次十八祿米四百石子位視正一品服麒麟歲祿二百  
石次十六男位視子米一百五十石輕車都尉正三品襲  
六次祿二百石騎都尉正四品襲二次祿六十四石五斗  
雲騎尉正五品襲一次祿四十五石五斗凡位八級二十有  
六

國初開創勳勞不論階次咸世襲罔替順治九年後封者始

以次為沿革開有

特命視開國元臣世襲罔替者蓋異數也乾隆中

純廟念陣歿難諸臣賜後裔官一曰恩騎尉視正七品世襲

罔替

漢軍用滿缺

漢軍

國初定制皆用漢缺至六部司員自有專缺不致壅滯雍正

中盡裁汰其額併入漢員中是以漢軍升轉難

純廟時有破格用滿缺者范時紀任滿洲戶部侍郎范宜清任

盛京工部侍郎李侍堯任熱河副都統孫慶成任滿缺戶部

侍郎兼護軍統領

今土任范建豐滿缺吏部侍郎李毓秀熱河都統張百齡滿缺

刑部尚書復調左都御史晉曠典也

鑾儀衛

本朝鑾儀衛沿明錦衣衛制而不司緝探掌衛者一人其屬

凡七所左所掌輦轎右司掌繖蓋儀刀弓矢中所掌麾幡

幢纛節鉞仗馬前所掌扇拂鑪盆後所掌旗瓜傘仗馴象

所掌儀象騎駕鹵簿鏡歌大樂旗手衛掌金鉦鼓角衛設

輔官准衆

卷二 鑾儀衛

三

刑部之次校尉與隸等儀猶明制管衛事大臣之任拜印  
陞堂悉如六部制秩雖次領侍衛內大臣而威儀過之鐘  
鼓司司譙漏城北鐘鼓樓每夕委官校尉直更

神武門鐘樓

上駐蹕

圓明園則每夕鳴鐘記更漏

上在宮日則已

午門鐘鼓

上祀郊廟受朝賀則鳴以為則其

國初俱設漢員後以滿洲侍衛開之名口變儀衛侍衛雍正  
中改漢員為漢軍滿洲侍衛亦改定冠軍雲麾等名惟漢  
武科甲侍衛仍舊名後許外放綠營武弁漢軍人員視為  
捷徑掌衛者復受私謁故事多諉惰

今上親政

特簡大臣挑取弊始革焉

軍機御史

軍機為樞密重地非奉

詔旨不許擅入故軍機司員不叩年節自和相專擅所屬稟事

皆叢集軍機處階下待之日久皆直入堂中回稿政每易洩

今上命滿漢御史二員每日輪流立軍機處階上有闕入者卽

時糾劾

宗室科目

康熙初置宗室科目不久停止見紫幢居士文昭詩乾隆

乙丑復設中達麟圖戊辰中良誠辛未中玉鼎柱後達以

侍班失儀罷遂停文科目已未

上親政從肅親王之請復設鄉會試壬戌中果齊斯歡慧端德

朋阿二人果為鄭恭王胞姪慧為簡良王曾孫德卽良祭

酒子皆入詞林一時稱盛後累科皆中二三人果游至戶

部侍郎德至左庶子惟慧以散館降職今任宗人府理事

官

宗室任職官

國初宗臣皆王公世廢無任職官者

仁廟念宗臣無入仕之途乃

欽定侍衛九十人命宗室挑補雍正中裁汰宗人府滿洲司員筆

帖式之半皆命宗室人員充補乾隆中又設宗室御史四

補三准依 宗室任職官 王府官員制度 二五

員爲司員升階已未

上親政特設宗室繙譯鄉會試科目六部理藩院亦增設宗室司員

### 王府官員制度

定制親王長史一員頭等護衛六員二等護衛六員三等護衛八員四五六品典儀各二員牧長二員典膳一員管領四員司庫二員司匠司牧六員世子減二三等護衛各二員餘如故郡王減二等護衛二員三等護衛三員四品典儀一員牧長一員典膳一員餘如故長子減頭等護衛

三員餘如故貝勒減頭等護衛四員而增司儀長一員二等護衛二員減五品典儀一員司牧司匠皆減貝子減二等護衛六員而增三等護衛一員減六品典儀二員而增七品典儀二員八品典儀二員鎮國公等減三等護衛二員餘如故其包衣參佐領親軍校護軍校包衣驍騎校等皆視其在領親軍馬甲之多寡以遞設之惟怡賢親王以贊襄

世祖莊恪親王以輔翊

高宗封雙親王其護衛皆倍增之嘉慶初

上諭儀成二王皆增設頭二三等護衛各一員定親王慶郡王皆增設頭等護衛一員二三等護衛各一員俱曠典非定制也

關稅

直省關稅以乾隆十八年奏銷冊籍稽之共四百三十三萬當時天下最爲富饒商賈通利後司事者冀久其任歲增盈餘至乾隆六十年加至六百四十六萬有奇故不免虧缺司事者重征以飽私橐虧缺數目仍歸正供銷算徒有賠補之名從無傾其私囊者至嘉慶十九年許堅關虧缺二十餘萬他稅稱是藉虧缺爲名日加苛斂以致商賈不前物價昂貴民大有損使輕其征收之款而覈其實入之數雖不及乙卯之豐亦必以乾隆癸酉爲則年銷年款國課不致虛懸貿易亦沾實惠誠上下兩便之術也

國初尙本

國初沿古制凡祭祀明堂禮儀皆尙右神位東嚮者爲尊其餘昭穆分列故先烈在以宗老孔定南以藩長皆居右班云

啟心郎

肅寧雜錄

卷一 國初尙右

啟心郎

八旗之

國初滿臣不解漢語每部置啟心郎一員以通曉國語之漢員爲之職正三品每議事坐其中後多緣以爲奸乃汰去

八旗之制

國家以神武開基

龍興之初建旗辨色始建兩翼後歸附日衆乃析爲八本部所屬者爲滿洲蒙古部落遷入者爲蒙古明人爲漢軍合爲二十四旗每旗制都統一人副都統二人參領五人佐領以百丁爲率無定官每佐領下以驍騎校一人隸之鑲黃正黃居都北次兩白次兩紅次兩藍皆環拱

禁城城池衙署倉庫以驍騎馬兵守之各於

禁門外置公廳都統副都統更番值宿以備不虞巡狩則增

街衢之守俗名街歸則撤之每三歲編審戶口稽壯幼除

逃亡書版藏於戶部其冒濫及隱匿不報者罪其司

閱選秀女以三年爲率屆期戶部移文造籍有隱匿不報者罪

之旗有逃亡申刑部督捕

大閱

皇上親御甲冑巡閱營隊集八旗將士於演所陣法漢軍火器

營左翼四旗以次而東西上右翼四旗以次而西東上每

旗鹿角二十步兵八十八引旗四人長槍手二十鹿角傍  
列礮十鳥槍百籐牌百礮兵三十人御礮車兵百人礮十  
執礮兵三十小旗二十負旗將士二十紅旗二十麾旗二  
金五鼓一鳴金兵十海螺五每旗參領三散秩官驍騎校  
十每翼都統二副都統每旗各一滿洲火器營左翼四旗  
在漢軍左翼左右翼如之鳥槍兵百二十護軍百二十總  
統五每旗礮兵二執礮四海螺十金五鼓一委傳宣官八  
全下麾旗者揚旗鼓聲大作鹿角兵前進分隊而立籐牌  
兵跳舞作斬虜狀分合如法三作而退鼓聲一進鳥槍兵  
列隊而進槍聲齊發聲亂者罪之麾旗者落旗金聲初奏  
槍聲頓止俄插鼓如前麾旗者揚旗槍進如前如是者九  
連環槍作滿洲前鋒護軍乘馬者自兩翼出彼此奔馳三  
軍作衝圍狀盤旋數次槍止乃已金聲再奏八旗驍騎兵  
衝陣而出海螺畫角齊奏傳宣官呼收兵者三軍士咸頓  
首歡呼再叩而退兵部臣告禮成

上還御營翌日

賞資有差每歲春秋咸集於仰山窪村

在德勝門外十里

簡練如儀惟

將士衣素服不著戎服與臨陣別演試火器礮石歲以春

秋由兵部奏請

欽命大臣同漢軍都統演礮於蘆溝橋八旗以次演及牌者有賞否則罪之軍政五軌一舉行律有四一操守曰廉平貪一才能曰長率短一騎射曰優平劣一年歲曰壯中老以次定賞罰焉

駐防

古人云千里持糧士有饑色調撥之兵非惟緩不救急抑徒糜費

國帑疲勞士卒

國家駐防之制最良盡選虎賁勁旅屯戍四方督操練嚴律令有不靖不須遠調以誤時日近如河南寶豐教匪鎮兵皆調撥殆盡賴開封士卒從馬中丞慧裕迅往攻討立時剪滅亦其效也

內務府定制

自古宮禁服御飲食必有專司惟周禮分設各官統於冢宰後世皆以宦寺掌之我

朝初立內務府以舊僕司其事久闕後復以明三十二衛人附之凡

內廷之會計服御物飾皆屬焉廣儲司掌庫六曰銀庫緞庫  
衣庫茶庫皮庫瓷庫雜茶庫兼收入舊初名

御用監順治十八年改其初進項不敷檄取戶部庫銀接濟乾

隆中

上親裁定汰去先費若干歲支用六十餘萬兩後盈積反充外府  
之用會計司掌領皇莊田畝事田各有等

盛京莊八十有四一等莊二十五二等莊十二等莊八四等  
莊三十四山海關外莊二百十一一等莊六十六二等莊  
四三等莊二十四等莊百二十一喜峯口古北口外莊百

三十八均一等歸化城莊十有三畿輔莊三百二十二一  
等五十七二等十六三等三十八四等二百十一半莊七  
十一每莊設莊長一人瓜田菜圃置長亦如之莊賦共地  
一萬三千二百七十二頃八十畝有奇賦糧九萬三千四  
百四十石菽二千二百之十五石芻八萬二千九百四十  
束有奇編比壯丁三年一次

盛京及關外口外各莊山總管將軍都統等畿輔由內府委  
官各具冊主府由府彙冊奏

閱凡

皇子分封各按爵秩給以莊地人丁

公主郡主婚嫁亦如之宮女選內府三旗佐領管領下女子

年十三以上者造冊送府奏交宮殿監督領侍等引

見入選者留

宮餘令父母擇配留

宮之女至二十五歲遣還擇配收錄內監由禮部冊列姓名

籍貫移府總管太監察其來由無異委年老內監一人驗

實具奏候

旨分撥年老耆聽其回籍為民支領內監月費執事人匠役餼

廩皆隸之掌儀司掌

奉先殿

大內景運門東

朔望瞻拜歲時節薦新

誕忌祭享

出入啟告之禮

前殿

後殿均九間中為穿堂繞以周垣供奉

列聖

列后神牌遇朔望

萬壽聖節元正冬日及

諸事准及

一內務府定制

國有大慶恭奉

列聖神牌前殿祭饗禮成還

御後殿寢室禮儀祭器一如

太廟制惟不設牲俎不行飲福受胙禮王公不陪祭其樂有陪平

枚平敷平紹平光平義平諸名亦異

太廟之奏遣官行禮與

太廟儀同遇

列聖

列后聖誕忌辰及元宵清明中元霜降歲除等日於

後殿行禮

神位前設饌酒脯果實

壽皇殿尊奉

仁廟

憲廟

純廟聖容遇

聖誕及忌辰

上躬率諸皇子及近支王展謁行禮歲時奠獻一如事生儀外

藩蒙古歲除及正月十五日

內務府定制

賜宴奏請

命進酒大臣內管領備筵九千席宴於

保和殿及

正大光明殿屆時鴻臚寺理藩院引蒙古王公台吉入領侍

衛內大臣序王公班次八旗一二品武職亦預焉

皇上陞殿奏隆平之章蒙古王公武大臣各就席行一叩禮坐

丹陛清樂作奏海宇昇平之章尚茶正率侍衛等舉茶案

由中道進至檐下正中北嚮跪注茶於碗進茶大臣奉茶

入中門羣臣皆就木位跪進茶大臣由中陞升至

御前進茶退西立

上飲茶與宴臣僚咸行一叩禮進茶大臣跪受茶碗由右陞降

出中門衆皆坐侍衛等分授與宴臣僚茶皆於木位一叩

飲畢復行一叩禮尚茶正徹茶案退樂止展席幕乃進酒

如進茶儀進酒大臣出尚膳正率所屬進膳

殿廷清樂奏萬象清甯之章尚膳正奉

旨分賜食品各席遍樂止奏慶隆舞揚烈舞以次畢

殿內奏喜起舞畢

上簡召王公大臣及朝鮮等國使臣

賜酒羣臣咸跪受一叩卒飲朝鮮國俳進百伎並作退尙膳正

升徹

御筵降輿宴之王公大臣等謝宴行一跪三叩禮丹陛大樂

作奏治平文章

皇上還宮鴻臚寺理藩院引外藩及百官以次退

皇子成婚

公主下嫁設宴其邸與

內廷宴同

皇子成婚欽天監先期訊吉以聞乃

命夫婦偕老之大臣傳

制曰以某官文某氏作配皇幾子為福晉福晉父率閭族謝

恩行三跪九叩禮擇吉簡內臣侍衛隨

皇子詣福晉家行文定禮福晉父率閭族綵服迎於大門外

延

皇子入至正寢西向行三叩禮畢

皇子回宮福晉父率族人送大門外訊吉行納采禮以內務

府大臣宮殿監督領侍充使及門福晉父迎入中堂謝

恩行三跪九叩禮與宴大臣陪福晉父及族人在官者宴於中

肅寧雜錄

卷二內務府定制

堂內務府命婦女官同陪文嘗宴於內室畢內務府大臣  
暨宮殿監督領侍回朝復

命成婚先一日

皇于於

皇上

皇后前行禮福晉母率諸婦至

皇子所居宮中設牀帳妝奩工部於宮門及

皇子所居宮懸綵屆吉時於

皇子宮設錦褥二東西嚮設酒饌案於前置兩爵兩盃於案

請

皇子西向福晉東面相嚮行兩拜禮各就坐執事者執金瓶

女官以盃爵酌酒合和以進

皇子與福晉皆飲乃進饌酒饌三行

皇子與福晉起仍行兩拜禮徹饌案次日

皇子偕福晉朝見

皇上

皇后女官二人引

皇子居左稍前行三跪九叩禮福晉居右稍後行六肅三跪

補正雜錄

卷二內務府定制

三六

三印禮

公主下嫁亦如之玉公之女奉

旨授為和碩公主郡主慶宗女撫養

中宮者其下嫁之禮各視爵秩以別差等筵宴會禮部辦理

進時憲書進春牛皆如禮部儀凡

妃嬪大事皆會禮工二部按例遵行都虞司掌

內府兵衛訓練內府護軍驍騎歲以春秋二季由該管官督

率操演各賞罰有差宿衛

大內護軍統領宿

神武門內掌

順貞門鑰

大內後複道中皆內務府護軍值宿其值宿

西華門北者合護軍驍騎步軍及三旗服役人變儀衛校尉

別立班次日防範兵專司戒火

皇后

內廷主位出入以內務府總管或散秩大臣一人司官八人

內府護軍統領一人護軍參領四人護軍校十人率護衛

豹尾班執槍者十人佩儀刀者十人翊衛護軍百人導引

清寧雜錄

卷二內務府定制

三七

明史紀事本末卷一百一十一  
恩從

皇子福晉出入遞減騎從畿輔

行宮京東七處京西四處京北六處口外十三處各設千總若干人分隸湯山盤山黃新莊熱河各總管管轄捕牲烏喇官弁亦隸焉慎刑司掌太監蘇拉等詞訟審讞內府所屬人犯罪在杖一百下者依律議結以上者皆移送刑部定擬如事干

宮禁者請

旨鞠問內監私逃按其次數分別自首被獲治以柳杖等罪營

造司掌匠役均有定額內府所屬在官執藝者於佐領管領下選取招募民匠於工部咨取又設司匠領催以督率之缺補惰除凡修造

紫禁城內工程小修大修建造皆會工部

大內繕完由內府匠人

禁城牆垣有應修理者奏交工部均由欽天監諏吉興工慶豐司掌牧畜定額設內三圈於

西華門外養馬牛十有二牯牛六牡牛三青牛一乳牛無定數設外三圈於

南苑設羊六圈於豐臺設牛羊羣牧於張家口外各牧所牛羊均由該管官烙印典牧設厰副若干人厰丁司菽等夫以遞增減口外牧羣設總管一人副管二人牛羊羣協領牧長牧副牧丁若干人隸張家口外總管管轄大凌河牛羣隸

盛京將軍管轄

郊

廟祭祀皆用廐牛歲以三月十五日後四月初一目前於

南苑寬閒豐草之處收放停止養菽以九月二十日後十月

初五日以前各歸原圈飼養視牛犢斃損之多寡以別功過游牧諸羣每三年三年孳生一疇二羊三年孳生二羔於定數內缺少者治罪定數外孳生者由該總管奏

聞上駟院掌南牧設內廐於

紫禁城外廐於

南苑設牧羣於

盛京及張家口外以畜馬籍其數而領之稽查與慶豐司牛

羊同供直以內廐

御馬四齊其鞍轡立院門外

諸事雜承

卷二內務府定制

三

行幸駐蹕以

御馬六立圈門右

車駕巡幸日以十馬備

上乘御由內院大臣奏請於

御馬內簡其尤長者以從其駕車馬及公馬囊駝之數附疏

奏

閏扈

蹕各執事官役內監所乘之馬由所司行院如數以公馬撥給

禩馬歲春秋二祭禱馬於

神繫帛於

御馬鬣尾以為識凡三十四匹附養四色馬四十四匹令祭

堂子率以十匹詣

神前受釐繫絲帛亦如之奉宸苑掌

御園亭河道

南苑西山稻田事網戶沙河二十六人霸州四十六人江南

六人歲給木有差河道應通濟者知會工部修理玉泉山

稻田十有五頃供

土方玉食餘田三十餘頃皆徵租賦

肅寧雜錄

卷二 內務府定制

御河三海諸處歲有蓮藕之租均量地薄徵以供

內庭植花卉之用武備院掌

土甲冑弓矢兵仗及鞍轡行帳蓋褥

御殿設繡蓋

巡幸鹵簿設黃羅銷金九龍三檐兩柄華蓋春冬用黑貂褥夏

秋用黃龍綺於換季日更易兵仗皆由院敬謹修造

御用弓矢皆選

盛京之良楛砮石造成採辦物料歲支崇文門稅務銀千兩

交各省採辦

### 堂子

國家起自遼瀋有設竿祭

天之禮又總祀

社稷諸神祇於靜室名曰

堂子卽古明堂會祀羣神之義既定鼎建

堂子於長安左門外建祭

神殿於正中彙祀諸

神祇南向前爲拜

天圓殿殿南正中設

大內致祭立竿石座次稍後兩翼分設各六行行各六重第一重爲

諸皇子致祭立竿石座諸王貝勒公等各依次序列均北向

東南建

上神亭南向相傳爲祀明將鄧子龍位蓋子龍與

太祖有舊誼故附祀之歲止朔

皇上率宗室王公滿一品文武官詣

堂子行拜

天禮立竿祭

神禮歲以季春季秋月朔日舉行祭日懸黃幡繫綵繩綴五色緋

百縷楮帛二十有七備陳香鑿司俎官於

大內恭請

神位由

坤甯宮以綵亭昇出行中路至

堂子安奉祭

神殿內東向陳糕餌九盤酒棧三

圓殿陳糕餌三酒棧一楮帛如數司俎官以贊祀致辭行禮

大內致祭後越日爲馬祭

神如儀月祭孟春上旬三日餘月朔日

大內遣司俎官率

堂子官吏於

圓殿奠獻糕酒行禮如儀是日內管領一人於

上神亭獻糕酒楮帛親郡王各遣護衛一人於

土神亭獻楮帛浴

佛之禮歲以孟夏上旬八日司俎官率執事人等自

大內請至

堂子祭

神殿陳香爵獻糕酒王公各遣人獻糕執事設盥盤贊祀一人浴  
佛畢六酌獻三致禱如儀是日

大內及軍民人等不祈禱不祭神禁屠宰不理刑名出師拜

堂子禮

皇上親征如征勦噶爾丹事 誡吉起行內府官豫設

御拜褥於

圓殿外及內門外

御營黃龍大纛前兵部陳螺角變儀衛陳鹵簿均如儀

皇上先詣

圓殿次詣露前均行三跪九叩禮六軍凱旋

皇上入都門先詣

堂子行禮

命將出師

皇上率大將軍及隨征將士詣

堂子行禮儀均與

親征同凱旋日詣

堂子行告成禮與古禡禡告功明堂之禮同

綠頭牌

定制

召見引

見等名次皆用粉牌書名以進王負勒用紅頭牌公以下皆用

綠頭牌繕寫姓名籍貫及入仕年歲出師勳績以便

上觀覽焉

膳牌

王公大臣入

朝奏事者皆書名粉牌呈進以待

召見於

皇朝禮典

卷二 綠頭牌

膳牌

領侍衛內大

四

上用膳時呈進名曰膳牌

領侍衛內大臣

國初八旗將士鑲黃正黃正白三旗為

天子自將選其子弟命曰侍衛日侍

禁庭左右供趨走者曰

御前侍衛稍次曰

乾清門侍衛值宿

宮門者統曰三旗侍衛設領侍衛內大臣六員內大臣六員

散秩大臣無定員俱以世廕公侯勳舊大臣並王公子弟

充之其班列尚書下侍衛躋三階選其才俊者充隨印協

理事務班領十二員每旗四人掌文書政令諸事凡六班分奇

偶以為離合十二日為一轉每班先於

園中直宿四日後入

禁中直宿二日餘六日為休沐之暇更番輪直

行幸駐蹕宿衛一如

禁中制是從則後扈之人於

御前大臣內

簡命前引十人於內大臣散秩大臣及

御前侍衛內

簡命

郊

廟諸大祭祀

陛殿慶賀及

巡幸殿蹕

迴鑾日引導常日

駕出則以侍衛二十員充前導隊豹尾班侍衛選功臣後裔十

人日派二十人直後左門

乘輿出入以十人執豹尾槍十人佩儀刀侍於

乾清門階下左右

駕出侍衛殿於後以領侍衛內大臣一人領之

巡幸方岳木蘭行圍

御前大臣侍衛暨

乾清門侍衛均隨從輪直侍衛以二班或三班隨從日行二

十人前導左右各十人各口傍扈清語曰豹尾槍殿如常

制次二班侍衛列隊後行或內大臣散秩大臣一人侍衛

什長二人率黃龍大纛行其餘仍分令稽察踰越喧譁者

駐蹕行營以內大臣一人散秩大臣二人入直分宿

御營兩廂

御營黃幔城旌門以待衛二十七人四隅分宿網城門內以待衛

什長三人率親軍校等之十人環拱宿衛

御蹕圓明園日以領侍衛內大臣一人散秩大臣一人於朝房

駐宿

禁城則命內大臣一員代之朝會班次歲於十二月將應入

坐之一品武大臣散秩大臣前鋒護軍統領暨外省來京

之都統將軍開列職名進

呈恭候

欽定散秩大臣世襲者蒙古明安貝勒後一人佟忠勇公

後一人李公國翰後一人覺羅武功郡王後一人石公廷

柱後一人楊額駙舒後一人缺出移咨該旗將應襲人員

開送引

見補授其兼攝者為

上駟院侍衛每旗七人兼宿虞備用處鷹鶴房鶻房十五善

射善騎射善鵠射善強弓善撲等處統於三旗額內漢侍

衛一甲一名者充頭等侍衛一甲二名三名充二等侍衛

肅寧雜錄 卷二 內務府定制 將軍 侍衛教習

二甲內簡選三等侍衛三甲則簡選藍翎侍衛

將軍

國初四方未定多以重臣佩將軍印後遂沿為滿洲統兵官

名惟察哈爾烏魯木齊及天津水師稱都統餘皆稱某處

將軍秩一品視提督上

盛京初名內大臣後亦改今名

侍衛教場

國朝最重騎射羽林虎賁之士退直之暇嘗校射教場中即

明內操地也鑲黃旗在

皇城東北隅臨

御河正黃旗在聞華寺後正白旗在小南城即明南內地也

漢軍各營旗幟號衣

漢軍八旗旗幟皆用楸灑金飛虎前鋒營用五色飛虎旗

香山健銳營號衣用黃色緣藍火器營號衣用藍色緣白

滿洲跳神儀

八旗長白舊族宗室王公家每祀

神前一月於神房敬造旨酒用黍米糟麩如江南造酒式前三日

每日朝暮獻牲各二名曰烏雲即引前一日敬製糕餌用

補三雜錄 漢軍各營旗幟號衣 滿洲跳 四

黃黍米以椎擊碎然後蒸饋名曰打糕每

神前各置九盤以為散獻大祀曰五鼓獻糕於

明堂如儀俟使歸主人吉服嚮西跪設神幄嚮東供糕酒素食中

設

如來

觀音閣聖位巫人

用女使

吉服舞刀祝詞曰敬獻糕餌以祈康

年主人跪擊神版諸護衛擊神版及彈弦箏月琴以和之  
其聲嗚嗚可聽巫言歌畢念祝詞主人敬聆畢叩首與司  
香婦敬請

如來

觀音二神位出戶牖西設龕南嚮以供奉之司俎者呼進牲

牲入主人跪家人皆跪巫者前致詞畢以酒澆牲耳牲耳

膈司俎者高聲曰神已領牲主人叩謝司俎者揮庖人進

封牲菹菜畢及熟薦選牲肉最精者為醢供

神位前主人再拜謁巫人致辭主人叩畢巫以饌馬吉帛進巫者

祝如儀主人跪領吉帛付司牧者叩興始聚宗人分食胙

肉禁令肉不許出戶庭中諱言死喪事賓至主人迎送不

出庭門暮供

七仙女

長白山神

遠祖

始祖位西南嚮以神幙隱蔽窗牖誌幽冥之意舞刀進牲祝詞如

朝儀惟伐銅鼓作淵淵聲祝詞聲調各異次早設位於庭

院前位北嚮主人吉服如儀用男巫致詞畢以米灑揚趨

退主人叩拜牲肉皆封為菹醢和稻米以進名曰祭天還

願再明日於神位祈福供以餅餅以五色縷供神前祝辭

畢以縷繫主人胸前為受福三日祭乃畢長白滿洲舊族

近

興京城者祀典禮儀皆同惟舒穆祿氏供

大上帝

如來

菩薩諸像又供貂神於神位側納蘭氏則供羊雞魚鴈諸品

巫用銅鈴繫腰跳舞以鈴聲為宜男兆蒙古跳神用羊酒

輝和跳神以一人介冑持弓矢坐牆堵蓋先世有劫祀者

故豫使人防之因沿為制

滿洲嫁娶禮儀

滿洲氏族皆年及冠笄始相聘問男家主婦至女家問名相女年貌意既洽贈如意或釵釧諸物以爲定禮名曰小定擇吉日男家聚宗族親友同新婿往女家問名女家亦聚宗族等述之庭中位左右設男家人趨右位有年長者致詞曰某家男某雖不肖今已及冠應聘婦爲繼續計聞尊室女賢淑著令名願聘主中饋以光敝族女家致謙詞以謝若是者再始定婚令新婿入拜神位前及外舅父母如儀既進茶女家趨右位男家據賓席或設酒宴以賀改月擇吉男家下聘有酒筵衣服綢緞羊鵝諸物名曰過禮

女家款待如儀男家贈銀於女家令其跳神以誌喜既定婚期前一日女家贈妝奩妹資視家之貧富婿乘騎往謝五鼓鼓樂娶婦至男家晝夜笙歌不絕謂之響房新婦既至新婿用弓矢對輿射之新婦懷抱罈瓶入坐向吉方及吉時宗老吉服致祭庭中奠羊酒諸物以刀割肉致吉詞禮畢新婿新婦登牀行合卺禮次早五鼓興始拜天地神像宗祠翁姑坐而受禮宗族尊長卑幼以次拜謁二日或五日婦歸省父母婿隨至女家宴享如儀滿月期婦復歸數日始返然後婚禮畢焉

內院筆帖式

國初督撫多用漢人文移用

國書者皆不識每省委內院筆帖式數人代司清字文書後

內三院改爲內閣翰林院繙書房而督撫衙門筆帖式仍

未更正

前朝宮女四萬

元時後宮女官多至四萬久禁不放

本朝定例不揀擇天下女子惟八旗秀女三年一選擇兩閣

貞靜者入

後宮及配近支宗室餘聽其父母爲擇配

後宮使令皆內務府包衣女亦於二十五歲放出從無久居

禁內者誠盛德也





歸亭雜錄卷二終



71022970

